

新刊經進詳註昌黎先生文集

新刊 經進詳補註昌黎先生文卷第廿六

碑誌

唐朝散大夫贈司勳員外郎孔君墓誌銘

或無郎字孔君名戡孔子三子為作此銘  
時與公偕分司東都卒公為作此銘

昭義節度盧從史有賢佐曰孔君諱戡字君勝

昭義軍潞州也在河東今為昭德軍貞元二十  
年八月以盧從史為昭義節度使表戡為書記

從史為不法君陰爭不從則於會肆言以折之

從史羞面頸發赤作頸顏抑首伏氣伏或作吐

所謂伏地而抑首也作吐非伏氣猶言屏氣耳與

漢傳不敢出一語以對立為君更令改章辭者

前後累數十坐則與從史說古今君臣父子道  
順則受成福逆輒危辱誅死曰相止或字公當爲  
彼不得爲此從史常聳聽喘汗當或作非居五六  
歲益驕有悖語君爭無改悔色或作非通則  
悉引從事空一府往爭之從史雖羞退益甚君  
泣語其徒曰吾所爲止於是不能以有加矣有以  
或作遂以疾辭去卧東都之城東酒食伎樂之  
燕不與當是時天下以爲賢論士之宜在天子  
左右者皆曰孔君孔君云或無字者字皆上閣本  
出字會宰相李公鎮揚州以元和三年九月  
復相李吉甫

爲淮南首奏起君君猶臥不應猶從史讀詔  
曰是故舍我而從人耶卽誣奏軍前在軍有某  
事上曰吾知之矣奏三上乃除君衛尉丞分司  
東都詔始下門下給事中呂元膺封還詔書上  
使謂呂君曰吾豈不知哉也行用之矣明年元  
和五年正月將浴臨汝之湯泉壬子至其縣食  
遂卒年五十七公卿大夫士相弔於朝處士相  
弔於家君卒之九十六日詔縛從史送闕下數  
以違命流于日南

元和中五年四月鎮州行營招討使吐突承璀縛  
從史送京師貶鎮州司馬歐文忠書從史禱聰

明山記曰閱從史官屬題名見孔戲與烏重齋俱列于後而退之記戲事云戲屢諫不聽卒為重齋所縛嗚呼禍福成敗之理甚明先事而不言則罕見從事至而言則不及自古敗亂未始不由此遂詔贈君尚書司勳員外郎蓋用嘗欲以命君者信其志其年八月甲申從葬河南河陰之廣武原

南下或有府字陰下或有縣字廣武原或作某地云唐河南府無河陰縣。今按元和郡國志河南府有河陰縣

君於為義若嗜欲勇不顧前後於利與祿則畏避退處如怯夫然始舉進士第士下或有及字白金吾衛錄事為大理評事佐昭義下有帥字

軍軍帥帥死從史自其軍諸將代爲帥請君曰  
從史起此軍行伍中凡在幕府唯公無尺寸私  
公苟留唯公之所欲爲居君一作不得已留一歲  
再奏自監察御史至殿中侍御史從史初聽用  
其言得不敗後不聽信惡益聞君棄去遂敗祖  
如圭皇海州司戶贈工部員外郎父岑皇著作  
郎贈駕部員外郎君始娶引農楊氏女卒又娶  
其舅宋州刺史京兆韋岷之壻里女皆有婦道  
凡生一男四女皆幼前夫人從葬舅姑兆次卜  
人曰今茲歲未可以祔從卜人言不祔君母兄

幾尚書兵部員外郎母弟戡殿中侍御史以文  
行稱朝廷將葬以韋夫人之弟前進士楚材之  
狀授愈曰請為銘銘曰材一本不疊銘字楚材元和一年進士  
允義孔君茲維其藏更千萬年無敢壞傷

### 中散大夫河南尹杜君墓誌銘

**補註**新史杜兼傳書其刺濠州豪侈縱橫証奏僚屬韋賞陸楚二人殺之而此誌略焉者墓誌有褒而無貶也而此誌亦未嘗褒之焉兼常與公同佐張建封至是兼死河南尹而公為都官副郎分司東都此公所以銘之不獲辭也柳子厚杜兼對則取其在濠州時不聽鍾離盧令之言而譏其僚又且擯令焉

杜氏自戴侯畿始分戴侯之子恕為幽州刺史

今居京兆諸杜其後也其季寬孝廉郎中寬後

三世曼為河東太守葬其父洹水其後世皆從

葬洹水之陽宰相世系曰杜氏出自祁姓帝堯

王城唐以封弟叔虞改封唐氏子孫於杜城京兆杜陵縣是也洹水杜氏出自戴侯畿畿字伯

侯魏河東太守豐樂戴侯三子起理寬恕字伯務洪農太守幽州刺史生頊字元凱晉荊州刺

史襄陽公寬字叔務曾孫曼仕石起從事中郎河東太守初居鄴葬洹水後亦徙居洹水通與

曰洹水縣屬相州有水名洹音歡及正倫為太宗宰相猶封襄

陽公太宗始詔葬京兆襄陽公無子以兄正藏

子志靜後遂嗣襄陽公生僑為懷州長史弃官

老沁水上為富家卒葬懷州武陟縣曼五世孫君賜君賜



生景景生裕裕生延慶隋樂陵令生正玄正裁  
正倫正儀正倫唐史有傳談賓錄曰隋仁壽中

杜正玄正藏正倫但秀擢第隋代舉進士  
一十人正倫一家三人通典曰懷州河內縣有

沁水自河南府濟源  
界流入武陟縣名長史生損為左司郎中卒

贈大理大理無贈字少卿大理生庾為鄭州錄事參

軍死思明亂贈吏部郎中公諱兼字某郎中第

三子庾三子長曰曾左金吾兵曹參軍次曰舉進士第

司徒北平王燧戰河北掌書記累官至監察御

史其後佐徐泗州軍事張建封遂至濠州刺史徐泗

州軍亂以兵防淮道不絕有功加御史中丞賜

紫衣金魚兵甲三千人入為刑部郎中以能官

拜蘇州刺史既辭行上書曰李錡且反必且奏

族臣

錡已見韋丹墓銘

上固愛其才書奏即除吏部郎

中遂為給事中出為商州刺史金商防禦使改

河南少尹行大尹事半歲拜大尹

兼為河南少尹行大尹事

在元和三年至四年七月癸亥遷兼水陸運使

時白居易在翰林荅兼謝上河南少尹表詔曰

三川封畿實重其任貳職網紀亦難其人卿素

懷器能累著成績亞理以明慎選專領以展良

才知已下車當親綏撫佇聞報詔曰卿憂勤所

謝知又荅兼謝上河南大尹表詔曰卿文通吏

道學達政源允歷官常輒聞績効觀能以授

亞理於三川見可而遷宜專臨於一府盡委封

畿之政仍兼漕運之權歲時之間佇元和四年

有勤効勉恭爾職重副予懷所謝知

十一月二十二日無疾暴薨年六十明年二月

常讀公雜詩云前隨孔丞別  
回笑言溢口何巖哈

甲午從葬懷州表常讀公雜詩云前隨杜尹拜  
 我適臨汝風骨峭峭遺塵埃天公高居鬼神惡  
 欲保性命誠難哉杜尹即兼也孔丞謂孔戡也  
 竊疑二子有陰慝蓋公之所書與春秋震夷伯  
 之雷亦何以異及讀兼史傳及此墓誌見其爲  
 濠州刺史日僚吏二人以無辜見殺諫官御史  
 不聞有論列者而兼以無疾暴死噫天譴也歟  
 至於孔戡剛介奇特之士史傳及誌皆不見其  
 過悉而誌特書其將浴臨汝之湯泉而暴卒抑  
 以人可欺而天不可欺乎謂之陰慝宜矣公  
 時爲都官貲外於二子爲同官日擊其事故有  
 詩以夫人常山郡張氏彭州刺史贈禮部侍郎  
 薨九利切之女生子男三人柔立爲天長主簿詞  
 立爲壽州叅軍誼立爲順宗挽郎女一人將葬  
 公之母兄太學博士翼與公之夫人及子男女

謀曰葬宜有銘凡與我弟游而有文者誰乎曰  
韓愈爾遂來請銘銘曰

杜氏大家世有顯人承繼綿綿以及公身始爲  
進士乃篤朋友及作大官克施克守纂辭舊筆  
渙若不思公牒盈前笑語拍麾祿以給求食以  
會同不蓄不收庫廩虛空事在于人日遠日忘  
何以傳之刻此銘章

銀青光祿大夫左散騎常侍致仕陽平路  
公神道碑文

**補註**按路嗣恭傳嘗爲蕭關神烏姑臧  
令明皇以爲可嗣漢魯恭因賜名又爲

江西觀察使嶺南節度使此志所以有  
 受錫更名治行靈州然功南邦也應傳  
 曰德宗時李泌為相号得君帝曰誰於  
 獨有恩者朕能報之泌乃言曩為元載  
 所疾謫江西路嗣恭與載厚且嘗畏之  
 會與其子並驅馬齧其脛目皇恐不安  
 應秘不言勉起見父目皆愧其長者思  
 有以報帝曰善即日加應檢校屯田郎  
 中服金紫志云累遷宣歙池觀察使封  
 襄陽郡公李錡反應發鄉兵敗湖常二  
 州以故錡不能拔  
 則亦志所謂也

惟路氏遠有世序

石本作代序下凡世大家亦

之後人正韓集

自隋尚書兵部侍郎諱充

石本

者復追改之尔

四世而至翼公翼公諱嗣恭以小

系並作衮今

作充誤也

邑蕭關令問石本無發聞開元受錫更名書于

太史始作石本行靈州終功南邦享有丕祉紹開

厥家官至兵部尚書封異國公薨贈尚書右僕

射宰相世系曰路氏出自姬姓帝摯子元堯封於中路歷虞夏稱侯子孫以國為氏漢符離

侯博德始居平陽裔孫嘉字君賓晉安東太守

孫藻二子曰纂曰達宋即達之五世孫也宋生

文昇平愛素三州刺史宣城縣公文昇生元哲

榆次令元哲生太一太原令太一生嗣恭字懿

範初名劒客廣州都公諱應字從衆異公之嫡

子用大臣子謹飭擢至侍御史著作郎遷刺虔

州割隸雩都作縣安遠以利民屬通典曰雩都漢舊縣地理

志曰貞元四年析雩都置安遠縣九域志曰雩都州東南一百七十一里安遠州東南七百里

石本作人屬下罷民屢築民不歲苦賦出與民

民不病飢朝夕民事並作人亦避諱後人正之

尔鑿敗灘石以平贛梗

通典曰夷州南康郡理贛縣漢舊縣也有貢水

章水合流名曰贛江因以名縣音貢

陶甕而城罷民屢築

甕瓦甕也

歷切

詔嗣興封又加尚書屯田郎中進服色遂臨

于溫

移刺溫州也

築堤岳城橫陽界中二邑得上田

一作

除水害

筆談云除猶易也以新易舊曰除如耕歲之交謂之歲除易曰除戎

器皆謂以新易弊也樂城橫陽二縣屬溫州

拜尚書兵部郎中兼御

史中丞淮南軍司馬改刺廬州又甕其城民不

歲苦入為尚書職方郎中兼御史中丞佐鹽鐵

使使江東有功用半歲

凡非常賦所入者謂之功用言江東之財足以

支半歲也

歷常州遷至宣歙池觀察使進封襄陽郡

公至則出倉米下其估半以廩餓人蜀劉闢誅

行軍千五百人於蜀言遣軍以李錡將反以聞

時錡為潤州刺史浙西觀察使謀據江東應逆知其反狀其事上聞也置鄉兵萬

二千人錡反命將期以卒救湖常坐牢江東心

錡以無助敗縛言錡之反應命部將約以兵救湖常二州扼其要害也初至德

中置江東防禦使後分為浙江道作響山亭營

觀察使領潤江常蘇杭湖七州軍于左右權丞相德善之鑣其說響山石居宣

五年以疾去位校其倉得石五十萬餘府得錢

千者八十萬公之為州逢水旱喜賤出與民歲

孰以其得收常有贏利故在所民不病飢而官



府畜積元和六年天子憫公疾不可煩以職即其處拜左散騎常侍以其祿居其歲九月望薨于東都正平里第年六十七明年葬京兆萬年少陵原夫人滎陽鄭氏祔既而其子臨漢縣男貫與其弟賞貞謀曰宜有刻也告於叔父御史大夫卿坊丹延觀察使恕因其族弟進士群以來請銘遂以其事銘曰

冀公之封惟艱就功襄陽繼大啓慶自躬于虔泊溫厥緒既作以及職方遂都邦伯朝夕民事下完上實師于其鄉鄰寇逼屈澄暈響山墻屋

修施褒功刻表丞相之辭受代而家叙疏及邇  
 病不能廷食祿卒齒凡卅太家維難其保既顯  
 既碩戒于終咎伊我襄陽克慎以有延畀後承  
 莫不率守有墓于原維樹有石本在經以告無期  
 傳卅是銘一作博士是銘石本云大唐銀青光祿大夫守左散騎常侍上柱國襄陽郡王陽平路公神道碑其首朝議郎太守國子博士上騎都尉韓愈撰銀青光祿大夫守吏部尚書上柱國榮陽縣開國侯鄭餘夔書將仕郎右拾遺內供奉賜緋魚袋陳姑篆額其後云元  
 甲戌朔十七日庚寅建

烏氏廟碑銘

開元盧從史為昭義節度副大使獻計  
詩王承宗而陰與承宗連憲宗患之

策中尉吐突承璀與對壘從史時過其營飲傳帝用裴瑒謀殺承璀圖之重裔時為從史衙門都將因以立功承璀其父也承治當為承玳字德潤許孟容神道碑云唐史北狄有五契丹一奚一室韋一黑水一靺鞨海一可汗于渤海者渤海王名大武藝可汗于靺鞨海本兩事新唐書書之詳矣司馬溫公考異以為一事蓋考異之作不見許孟容神道碑也

元和五年天子曰盧從史始立議用師于恒乃陰與寇連夸謾兇驕出不遜言其執以來其四月中貴人承璀即誘而縛之其下皆甲以出操兵趨譚牙門都將烏公重胤字保君唐史有傳當軍門叱曰天子有命從者有賞敢違者斬於是士皆

歛兵還營卒致從史京師

唐史盧從史代李榮為昭義節度使

誅恒州王承宗陰向帝言由是詔討賊而勒兵

直以可進憲宗上書求兼宰相且誣諸軍無賊

通壘從史與押不疑帝用裴均謀殺承宗

起粹持出帳後縛內車中從者驚亂斬數十人

定會夜疾驅未知者壬辰詔用烏公為銀青光祿

大夫魏晉以來光祿三大夫皆銀青光祿其重

時散官事河陽軍節度使兼御史大夫封張掖

郡開國公居三年河陽稱治詔贈其父工部尚

書且曰以其一有廟享即以其年營廟于京師

崇化里軍佐竊議曰先公既位常伯伯長也尚

書曰常伯而先夫人無加命號名差卑於配不宜

語聞詔贈先夫人劉氏沛國太夫人八年八月

廟成三室同宇一作祀禮記曰大夫立三廟曰

廟自左領府君而下作主于第七已外于廟烏

氏著於春秋譜於世本列於姓苑在莒者存烏

事莒子庚與見左傳昭公二十三年在齊者有餘有枝鳴皆為

大夫烏餘事景公見左傳襄二十六年秦有獲

為大官武史紀素紀烏獲事其後世之江南者家

鄱陽處北者家張掖姓饒州為鄱陽郡烏氏出也

鳥名官以世功命氏齊有裔孫世居北方號鳥  
洛侯後徙張掖甘州為張掖郡後漢紀張掖故  
匈奴昆邪王地也張國臂掖故謂或入夷狄為

君長唐初察為左武衛大將軍實張掖人其子

曰令望為左領軍衛大將軍孫曰蒙為中郎將

世系為左武衛中郎將是生贈尚書諱承治字某

德潤開元中與族兄承恩皆為平盧先鋒沉勇

而交号轅門二龍元和八年許孟容為河南尹

有鳥承地神道碑溫公考異以為史傳云承地

廟碑云承治當從新書然按神道碑與公廟碑

皆元和八年所作其書名豈容有異碑云承

治疑刊寫者誤當作承地也按說文地字從土

則音頻又音駢此名取地當音此

齊秦大夫以來皆以材力顯及武德以來始以

武功為名將家開元中尚書管平盧先鋒軍數

屢一作破奚契丹從戰捺祿走可突汗一本作契

丹皆東胡種地直京師東北四五千里與突厥

同俗契丹可突于殺其王邵固降突厥而奚亦

亂其王魯蘇挈族屬及邵固妻子自歸是歲奚

契丹入寇詔承玳擊之破於捺祿山二十二年

詔信安王諱進計承玳獨按隊出其右斬首萬

計可突于奔北可突于者契丹將也為薛訥軍

副使悍勇得衆後為幽州長渤海王至馬都山

史張守珪所斬傳首京師

吏民逃徙失業尚書領所部兵塞其道漸原累

石繇四百里深高皆三丈寇不得進民還其居

歲罷運錢三千萬一本有餘字新史承玳傳又

中門藝來奔武藝引兵至馬都山屠城邑承玳

室要路塹以大石亘四百里虜不得入流民得

還按北狄丸有五契丹奚一室韋一黑水一  
渤海一渤海本粟末靺鞨所高麗者姓太氏大  
武藝即渤海之王門藝其弟也蓋承此傳本約  
韓碑而作但韓碑略而新史詳讀之首尾甚明  
白新史即韓碑之講解耳而誤讀碑者不知可  
突于本契丹之將乃謂走可突于渤海追之至  
馬都山合兩事為一事甚失文理黑水室韋以騎五千來屬  
下邊威益張契丹黑水靺鞨者居古之肅氏地室韋  
裔其後與耿仁智謀說史思明降思明復叛尚  
書與兄承恩謀殺之事發族夷尚書獨走免李  
光弼以聞詔拜冠軍將軍守右威衛將軍檢校  
殿中監封昌化郡王左領軍使本傳云為石嶺  
節度使軍政倚辦焉當以石嶺為正積粟厲兵出入耕戰以疾去



職貞元十一年二月丁巳薨于華陰告平里年

若干

本傳云移疾還京卒年九十

即葬於其地二子大夫為

長季曰重元為某官銘曰

烏氏在唐有家於初左武左領二祖紹居中郎

少卑屬于尚書不償其勞乃相

息亮

大夫授我

戎節制有疆墟備禮登壇

漢高祖拜韓信為大將軍釋曰齋戒設壇

場具禮顏師古曰築土而高曰壇除地曰場

以有宗廟作廟天都以

致其孝右祖左孫爰饗其報云誰無子孰其無

孫克對無羞乃惟有人念昔平盧為艱為瘁大

夫承之危不棄義四方其平士有迨息來覲來

齋以饋黍稷

河東節度觀察使滎陽鄭公神道碑

鄭僖大曆四年進士無傳見嚴綬傳云

河東節度使贈尚書右僕射鄭公葬在滎陽索

上鄭州滎陽縣有京水索水楚漢戰於京索是也應劭曰京縣名今有大索小索亭晉灼曰

音冊師古曰音求索之索元和八年六月庚子太史尚書比

部郎中護軍唐採前代舊名置上韓愈刻其墓

碑曰司馬氏遷江南有鄭豁者仕慕容垂國為

其太子少保其孫簡當拓拔魏為滎陽太守後

簡者號其族為南祖晉氏失御司馬氏五王度江避亂元帝中與号柵東

晉慕容垂者前燕慕容皝之子也國滅事符堅後乘堅喪亂率兵都中山自稱後燕宰相世宗

曰鄭謐字君明後燕太子少傅濟南公生溫溫四子濤碑簡恬濤居隴西碑後魏處威將軍南

陽公為北祖簡為南祖恬為中祖簡者從魏平南諮議參軍南祖之鄭入唐

有為利之景谷令者曰嘉範於公為曾祖是生

撫俗為泗之徐城令徐城生公之父曰洪卒官

源之州一作戶曹參軍公諱儋都甘切少依母家隴

西李氏舉止異凡兒其舅吏部侍郎李卿曰必

其能再立鄭氏稍長能自謀學明左氏春秋以

進士選為太原參軍事對直言策拜京兆高陵

尉考府之進士能第上下以實不茹樊僕射澤

以襄陽兵戰淮西

樊澤字安時河中也貞元三年為荆南節度使會山南

東道嗣曹王臯卒軍亂剽居人以澤威惠著襄陽間從山南加尚書右僕射卒見唐書公

以叅謀留府能任後事戶曹殯于涼涼地入西

戎自景谷徐城三世皆未還榮陽葬公解官舉

五喪為三墓葬索東徐城墓無表

言當時權葬徐城無題表

可識

公能使幼長感心求不置以得舊人拍告

其處其後為大理丞太常博士遷起居郎尚書

司封吏部二郎中能官舉其名德宗晚節儲將

於其軍以公為河東軍司馬能以無心處嫌間

卒用有就

至於裁處嫌疑時有所成不必事事皆善也聞音問則之間一作問非也

貞元十六年將說死

李說字器甫宗即詔授司

馬節度河東軍除其官爲工部尚書太原尹兼

御史大夫北都留守公之爲司馬用寬廉平正

得吏士心及外大帥持是道不變部將有因貴

人求要職者公不用用老而有功無勢而遠者

削四鄰之交賄省誇嬉之大燕講校民事施罷

不俟日用能以十月成政氓征就寬軍給以饒

十七年疾廢朝夕

禮記曰朝不廢朝暮不廢夕言不及朝王也按禮春朝朝

日秋夕夕月柳宗元論云夕之名者朝拜之偶也古者旦見曰朝暮見曰夕故詩曰邦君諸侯

莫肯朝夕左氏曰百官爭事朝而不夕是也

八月庚戌薨享年六十

一天子為之不能臨朝者三日贈尚書右僕射

即以其年十月辛卯薨索上疾以薨醫問交道

比葬弔贈賜使者相及凡河東之軍士與太原

之民吏及旁九郡唐志太原府諸州軍節度使河東營田使北都留守領太

原及遼右嵐汾代忻朔蔚雲九州治太原百邑之鰥寡外夷狄之統

於府者聞公之薨皆哭曰吾其如何公與一作焉

賓客朋遊飲酒必極醉投壺博奕窮日夜若樂

而不厭者平居簾閣據几終日不知有人別自

號白雲翁名人魁士鮮不與善呂氏春秋云疾

名者未好樂後進及門接引皆有恩意始娶

范陽盧氏女生仁本仁約仁載皆有文行二季  
舉進士皆早死仁本爲後子獨存不樂舉選年  
三十餘始佐河陽軍後娶趙郡李氏生三女二  
夫人九三男五女長女嫁遼東李繁繁亦名臣  
子寧相孫有才學遺命二夫人各別爲墓不合  
葬系曰

士嘗患勢卑不能推功德及人常患勢貧無以  
奉所欲得若鄭公者勤一生以得其位而曾不  
得須臾有焉雖然觀其所既立其可知已嗚呼  
哀哉

魏博節度觀察使沂國公先廟碑銘

朝議郎守尚書比部郎中史館修撰護  
軍韓愈奉

勅撰

石本云云大唐工部尚書田公先廟碑銘  
其後云朝議大夫安定胡証書并篆額  
所藏書萬卷惟昌黎集是予為進士時  
所有最為舊物天聖以來古學漸盛  
者多讀韓文而惠集本訛舛惟余家本  
更校時人共傳号為善本及後集錄古  
文得韓文之刻石者如羅池黃陵廟碑  
之類以校予家集本牛諺尤多若田孔  
正碑為尤甚蓋由諸本不同往往妄加  
改易今以碑校印本初未必誤為校  
者妄改之乃知文字之傳久而轉失其



真多矣則校讎之際決  
於取捨不可不謹也

元和八年十一月壬子上命丞相元衡丞相吉甫

甫丞相絳

武元衡李吉甫李絳感定錄云元和

日爲相及出鎮又分揚

益至吉甫入元衡亦還召太史尚書比部郎中

韓愈至政事堂傳詔曰田弘正始有廟京師朕

惟弘正先祖父厥心靡不嚮帝室訖不得施乃

以教付厥子惟弘正銜訓嗣事

石本作銜訓嗣事

夕不怠以能迎天之休顯有不功惟父子繼忠

孝子維寵嘉之是以命愈銘欽哉惟時臣愈承

命悸恐明日詣東上閤門拜疏辭謝不報退伏

念昔者魯僖公能遵其祖伯禽之列周天子實

命其史曰克作為駟駟泮閼之詩使聲于其廟

以假魯靈

伯禽周公之子始封於魯至十九世孫僖公當周惠王時能遵其法

復魯舊制國人尊之於是季孫行父請命于周而俾魯太史作頌四篇駟駟泮閼之詩是也音

古樊切駟音筆備切開音筆位切

今天子嘉田侯能

石本無字

服

父訓不違用康靜我國家蓋寵銘之所以休寧

田氏之祖考而曰適執筆實隸太史奉明命其

可以辭謹按魏博

石本州

節度使銀青光祿大夫

檢校工部尚書兼魏博大都督府長史御史大

夫沂國公田孔正北平盧龍人也

宰相世系曰田氏出自媯

姓陳厲公子完字敬仲仕齊初有采地因爲田  
氏田和篡齊爲諸侯九世至王建爲秦所滅漢  
興諸田徙陽陵後徙北平郡盧龍縣至魏議郎  
田疇者字子泰二十二世孫據爲鄭州司馬據  
生述博安東都護府司馬延博生述珩相州刺  
史是生孔正筆談云大抵北方多黑色故有盧  
龍郡北方謂水爲故爲魏博諸將忠孝畏慎田  
龍盧龍即黑水也  
季安卒其子幼弱用故事代父人吏不附迎孔  
正於其家使領軍事孔正籍其軍之衆與六州  
之人還之朝廷悉除河北故事以諸州故得用  
爲帥唐史田孔正字安道父廷珩與田承嗣爲  
從昆弟仕爲相州刺史及從玢代立廷珩讓  
之以憤卒孔正幼通兵法善騎射承嗣愛之以  
爲必與吾宗名之曰興季安時爲衛內兵馬使  
節度副使封汴國公季安卒子懷陳襲節度委  
政於家如蔣士則措翼不平衆怒咸曰兵馬使

吾帥也牙兵即誦其家迎之孔正拒不納衆護  
于門孔正出衆拜之脅還府孔正頓于地度不  
免即令于軍曰爾屬不以吾不肖使主軍分與  
公等約能聽命否皆曰惟公命因曰吾欲守天  
子法與六州版籍請吏于朝苟天子未命敢有  
請吾旂節者死殺及掠人者死皆曰諾遂到  
府殺士則及支黨千餘人於是圖魏博相衛具  
澶之州籍其人以獻不敢置僚屬而待王官  
宗美其誠詔檢校工部尚書充魏博節度使又  
遣司封郎中裴度宣慰資其軍餼百五十萬緡  
六州民給已而復贈其父故滄州刺史  
兵部尚書母夫人鄭氏梁國太夫人得立廟祭  
三代曾祖都水使者府君懷祭初室祖安東司  
馬贈襄州刺史府君延輝祭二室兵部府君  
祭東室其銘曰

唐繼古帝海外受制

大唐為帝堯之後書曰若緒古帝堯故曰古帝又曰

外薄四海咸建五長

洽于太寧燕盜以驚

言治極生亂安祿山乘豐而起

幽燕也靈光殿賦曰敷皇極以創業協神道而太

寧群黨相維河北失平

謂肅宗時瓜分河北地以什叛將勢如戰國也

號登元和大聖載營風

揮日舒咸順指令

音伶使

業業魏土嬰兒戲兵

業業

危只音逆法切言魏國有山河之固叛兵誘之盜弄兵權如嬰兒之戲也前漢龔遂曰赤子盜

弄兵於漢

池之中

吏戎愁毒莫保腰領

石本

人曰田侯

其德可倚叫譟奔趨乘門請起

乘登也一日午也左傳襄公二

十七年稟武乘公門

田侯攝事奉我王明

石本

束縛弓

矢考校度程堤墻

石本作提疆

籍戶來復邦經

其言其

疆之摠數與人之版籍  
皆獻諸朝以復舊制也  
帝欽良目曰維錫子

言天錫子以良  
目當欽而用之  
嗟我六州始復故初告慶宗廟

降以命書  
宗石本作告慶于  
旌節有韜豹尾神旗

縻地戟纛以長魏師  
皆節度府之儀仗也  
古今

所謂伯也勃受為王前驅  
受前驅之器也  
以木

為後世號為無復典刑  
以赤油韜之亦謂之榮

戟公王以下通之以為前驅  
又云尚書御史乘

之最後一車懸豹尾象  
君子豹變尾言謙也

徒到外五國以為屬屬有長  
註云方伯也師衆

也  
田侯稽首巨愚不肖迨茲有成祖考之教帝

曰俞哉維汝忠孝子思乃父追秩夏卿  
古兵部本

之職夏官  
媿德娘賢梁國是榮  
娘配也音匹誦切

賢謂歸于廷介姬田侯作廟相方視址音亦視也

見于著龜祖考咸喜見音賢禮記中庸文暨暨田

侯兩有文武暨暨兼資之貞禮記王藻訖其外

庸可作承輔尚書大傳曰古者天子必有四鄰

以對責之疑有志而不揚責之弼其爵視知祿視次

國之咨汝田侯勿亟勿遲觀饗式時祖考之思

一作爾祖之恩

新刊經 進詳補註昌黎先生文卷第二十六



新刊經進詳補註昌黎先生文卷第二

碑銘

右龍武統軍劉公墓碑銘

補金公堂誌昌裔墓表至是又銘其碑于墓表

唐故陳許節度使金紫光祿大夫檢校尚書左

僕射兼御史大夫右龍武統軍彭城郡開國公

食邑二千戶贈潞州大都督劉公諱昌裔字光

後薨既葬將反柩一作机于京師辨證云頗疑既葬無反柩之理

後得祥符間本乃反机云云舍于墓次故吏文武士人一有門

送客訖事會哭將退咸顧戀牽連一口言曰自



我公薨至葬凡所以較德焯勤者焯與同莫不粗

完隱卒崇終也隱痛有都督之詔日事時功以著

不可以誣有太史之狀有太常之狀有謚有誄

有幽堂之銘唐志百官若死則以其行狀傳於史官謚于太常考功郎中則實其

行狀之當否欲銘于碑者則會其又如即外碑刻

百官議其宜且述者以報聞其家文以顯詩之其於傳無已豈不益可保於是相

許諾以告其孤縱縱哭捨杖拜曰縱不敢違則

相與刻銘文曰劉處彭城本自楚元陽曲之別

繇公祖遷繇與同公曾祖考為朔州守祖令太原

仍世北邊樂其高寒棄楚不還逮于公身三世

晉人公生而異魁顏鉅鼻幼如舒退少長好事

西戎乘勢盜有河外公雖家居爲國暗噫暗於金切

意乙介切說文曰意來告邊師可破之計楊琳

爲橫巴蜀靡彫公由游寄單船諭招折其尾毒

不得動搖尾毒蜂也琳後來降公不有功終琳之

已還卧民里盖古有云人職其憂無事於職而

與國謀德宗之始爲曲環起舊筆爲檄強寇氣

死決敗筭成效於屈指環有許師公遂佐之蘇

民戰敵多出公畫累拜郎中進兼中丞雖在陪

貳天子所憑蔡卒幸喪圍我許鄂新帥一作不

牢助勦將通

帥謂上官泥也助勦建劉公為陳

力應變為械與之上下冠無所賴遂至道敗詰

賦有三句為對者謂之古格或謂此間脫一句非

以功遷陳實許之半

聲駕元侯以勢自憚復入居許為軍司馬脫權

下威士心益歸卒嗣環職棄惡從德乃與蔡通

塗其榛棘稚耄嬉遨連手歌謳上無可怨外無

與讎既長事官浚之大夫其償

一作賞

未塞僕射

已都

事官工部

及癸巳歲秋涌水出流過其部

破民廬室公即䟽言此皆臣憊

憊過也丘憂切與愆同

防

斷不補漬民於泉臣耄且疾宜即大罰上曰留

害大臣其來允余之思其可止哉

信苗與災同允信也按本傳

元和八年大水樊鄴居人以檢校尚書左僕射兼龍武統軍召還京師始憲宗既昌裔自立欲

召之而重生變宰相李吉甫曰陛下乘人心愁苦可召也遂以韓皋代之至長樂驛知帝意因

耕風中卒驛隸走呼有中使來公迎于驛遂行

不迴六月隆熱上下歆歆

一作

施

赤色也

公鞭公

驅去馬以與公病日惡不能造闕仆卧在宅閤

有加錫命為統軍龍武之右兼官左相百僚長

首冬十一月日將南至公遂徂薨年六十二奏

聞怛悼俾官臨弔悲不聽朝贈督潞州存歿之

賚於數為優明年九月東葬金谷

通典曰河南縣穀城山瀍

水所出金谷在東北  
公往有命匪後人卜

# 衢州徐偃王廟碑

石本云朝議郎守尚書考功郎中知制誥昌黎韓愈撰福州刺史元錫書元和十年十二月九日立  
云徐氏出自嬴姓皋陶生伯益伯益生若木夏后封之於徐其地也至偃王三十二世為周所滅復封其子宗為徐子宗十一世孫章禹為吳所滅子孫以國為氏而秦本紀亦有相繫焉豈世系表所謂伯益邪又秦紀及趙世家以為偃王反亂穆王攻破之準張華博物志云偃王仁義諧侯服從周王憂而伐之偃王不忍鬪其民走彭城武原東山下百姓隨之者萬數後遂名其山曰徐山山上立石室以祠之公所書蓋出此而參以素紀趙世家而紀世家於偃王事特畧之其曰作亂曰反者非

也東方朔七諫曰偃王行其仁義  
文悟而徐亡王逸注荆者楚也徐偃王  
國名也周宣王之舅申伯所封也周襄  
其後偃王稱王徐偃王修仁義諸侯  
朝之者四十餘國而無武備楚文王恐  
為所并因與兵擊之而滅徐徐楚詞謂楚  
王修仁義斯得之矣然楚文王於周  
當釐王之時去宣王已五世然則碑所  
謂穆王歸與楚連謀伐徐其誰邪以史  
記世表考之殆熊臄也自衢州云云至  
會稽之水見衢州畝經所載其  
曰姑蔑之墟大末之里見左傳

徐與秦俱出栢翳為嬴姓國於夏勢周世咸有

大功史記秦之先顯帝之苗裔曰大費與禹平

栢翳舜賜姓嬴氏二子一曰大廉二曰若木至

於是分土為附庸邑之秦今天水秦處西偏專

隴西縣秦亭是也至德公初居雍

用武勝遭世衰無明天子遂虎吞諸國為雄諸

國既入秦為臣屬秦無取利上下相賊害卒償

其國而沈其宗徐處得地中一作徐得地中通典曰泗州徐城縣

古徐子之國漢以為縣有徐君墓即季札樹文

德為治及偃王誕當國益除去刑爭末事誕偃王名

漢主父偃書曰怒者逆德也九所以君國子民

兵者凶器也爭者末節也待四方一出於仁義當此之時周天子穆王無

道意不在天下好道士說得八龍騎之西遊同

王母宴于瑤池之上歌謠忘歸馬八尺曰龍穆天子傳曰天子

騎八駿謁西王母于崑崙之丘造父為御八駿

白赤驥盜驪白騊駼輪山子渠黃華騶綠耳事

見詩四方諸侯之爭辯者無所質正咸賓祭於

徐贄玉帛死生之物于徐之庭者三十六國尚書

曰修五禮五王三帛二生一死贄五王五等諸侯所執之王三帛諸侯世子執纁公之孤執玄

附庸之君執雉玉帛生卿執羔大夫執鴈一死士執雉玉帛生死所以贄見也得朱弓

赤矢之瑞穆王聞之恐遂稱受命受天命也大

雅文王之詩曰命造父御長驅而歸與楚連謀

伐徐徐不忍闔其民北走彭城武原山下百姓

隨而從之萬有餘家偃王死民號其山為徐山

鑿石為室以祠偃王徐偃王志曰徐君宮人嬖而生知以為不祥棄之水

濱獨孤母有犬名鵠倉獵於水濱得所棄知街以來歸獨孤母以為為異覆暖之遂成兒生時正



偃故以為名徐君宮中聞之乃更錄收長而仁  
智襲君徐國後謫倉臨死生角而九尾實黃龍  
也偃王乃葬之彭城東岸有一丘俗云均葬偃  
王既襲其國仁義著聞欲舟行上國乃通溝陳  
蔡之間得朱弓朱矢以已得天瑞遂因名為弓  
自稱徐偃王江淮諸侯服從者三十六國周王  
聞之遣使乘駟一日至楚伐之偃王仁不忍鬪  
其民為楚所敗逃走彭城武原縣東山下百姓  
隨之者以萬數後遂名其山為徐山山上立石  
室有神靈民人所禱今皆見存公之所書蓋出  
於此徐州為彭城郡武原縣故城偃王雖走死  
在今泗州下邳縣北徐山在其東偃王雖走死  
失國民戴其嗣為君如初駒王章禹子孫相望  
自秦至今名公巨人繼跡史書徐氏十望其九  
皆本於偃王章禹二十二世孫曰安仁生二子  
豐霸豐為北祖霸為南祖駒王偃  
号稱王見禮記檀弓吳之滅徐在  
春秋魯昭公三十年章禹作章羽而秦後迄茲

無聞家天於栢駢之緒非偏有厚薄施仁與暴

之報自然異也衢州故會稽太末也前漢志秦

太末縣張晏曰太音闕通典曰衢州理信安縣本婺州地也婺州為東陽郡唐武德四年平李

子通分置衢州西有三衢山民多姓徐氏支縣信安龍丘皆太末縣地也

龍丘有偃王遺廟東陽記曰龍丘山有九石特

花漢龍丘葺隱居於此因以為名置縣龍丘葺見後漢循吏傳九域志曰衢州徐偃王廟唐韓

愈碑石在其內龍遊縣南靈山乃本廟也或曰偃王之逃戰不之彭

城之越城之隅棄玉几研于會稽之水或曰徐

子章禹既執於吳徐之公宗一作族子弟散之徐

楊二州間即其居立先王廟云二說皆衢州國經所載今之徐

泗兗海皆古之徐州也開元初徐姓二人相屬

為刺史下文堅帥其部之同姓改作廟屋載事

于碑後九十年當元和九年而徐氏放復為刺

史放字達夫前碑所謂今戶部侍郎其大父也

春行視農至于龍丘有事于廟思惟本原曰故

制楠樸切下突不足以揭虔妥靈而又梁楠

赤白彫剥不治陰音丈介切圖像之威點昧就

滅點深黑也音於既切藩拔級夷藩籬也級階也夷平也庭木禿缺

祈咄日慢祥慶弗下州之支郡一作羣吏不獲蔭麻

余惟遺紹而尸其土紹繼也尸主也不即不圖以有資

聚罰其可辭乃命因故為新衆工齊事惟月若

日工告訖功大祠于廟宗御咸序是歲州無怪

風劇雨民不夭厲穀果完實民皆曰耿耿社哉

其不可誣乃相與請辭京師歸而鑄之石辭曰

秦傑以顛徐由遜一非作縣秦鬼久飢左傳宣公四年楚子

良曰若敖氏之鬼不其餒而後漢劉陶疏亦曰貧餒者作飢寒之鬼徐有廟存

婉婉偃王惟道之耽婉婉柔儒只荀子曰偃王狀目可瞻焉注云其狀

偃仰而不俯故謂之偃王言不能俯視細物遠望纔見焉耽樂也以國易仁為

笑于頑言去國避亂以存仁道當自初擅命其

實幾姓言戰時歷短言長言一有不償亡前漢淮南王安

曰雖舉越國而有不課其利害孰與一作王

當姑蔑之墟太末之里九域志曰按春秋哀公

彌庸見姑蔑之旗杜預注云姑蔑城在穀水南三里東

太末也又東陽記云姑蔑城在穀水南三里東

門臨薄里一作孫誰思王恩立廟以祀王之聞一作孫

世世多有維臨茲邦廟土實守堅嶠之後達夫

廓之王歿萬年如始祔時王孫多孝世奉王廟

達夫之來先慎詔教盡惠廟民不主於神維是

達夫知孝之元太末之里姑蔑之城廟事時修

仁孝振聲宜寵其人以及後生嗟嗟維王雖死

誰亢也當王死于仁彼以常喪文追作誄刻示茫

茫左傳曰茫茫禹迹畫為九州

秦氏先廟碑

秦氏先廟碑  
秦德深蔡州人建中初黜陟使趙  
贊薦于朝起更士授試校書郎累辟幕  
府進詹事御史中丞韋正伯表為侍御  
史遷工部員外郎韋臯始招來西南夷  
異牟尋等內屬德宗選郎吏可撫循者  
皆憚行至旌不辭帝嘉之擢祠部郎中  
兼御史中丞賜金紫持節往諭年還進  
諫議大夫遷尚書右丞知吏部選求外  
遷為華州刺史召為左丞吾衛大將軍  
以揚於陵代之滋行耆老遮道不得去  
於陵使諭曰吾不敢易秦公政人皆羅  
拜乃得去憲宗監國進拜同平章事劉  
闢反詔滋以檢校吏部尚書平章事為  
劍南東西川節度使時賊方熾滋久不  
進貶吉州刺史徙義成節度使居七年  
百姓立祠祝祭以戶部尚書召檢校兵

部三年山南東道節度使荆南吳元濟  
及三年調發益屈滋揣帝厭兵自表入  
朝欲議罷准西事道聞蕭俛錢徽坐沮  
議黜去滋讎其謀更言必勝順可天子  
意乃得還考之史如此  
與公序官歷大畧同

袁公滋既成廟明年二月自荆南以旌節朝京

師袁滋字德深憲宗監國拜為相元和七年留六

日得壬子春分即元和十一年率宗親子屬用

少牢于三室禮曰天子諸侯卿大夫士諸侯之卿大

夫羊豕九二牲曰少牢諸侯之既事退言曰嗚

呼遠哉維世傳德襲訓集余乃今有濟今祭既

不薦金石音聲使工歌詩載烈象容其美以飭

稚昧於長久惟敬繫羊豕幸有石侯古卿大夫諸

有廟廟門有碑石以繫祭祀之羊豕示血祭不

絕也註曰祭之日君牽牲穆魯卿大夫序從既

入廟門麗于碑然後寯刀以割祭醒而退敬之

至也注云麗繫也言素氏世有其廟滋既為相

復欲備禮以張之故曰惟敬繫羊豕幸有石公之

文章字字有來歷豈虛言也哉如具

著先人名跡因為詩繫之語下於義其可

古者於歲也語謂祭祀賓客射鄉養老必有台

語之禮周禮大司樂以樂語教國子興道諷誦

言語俾習之也成文王世子言養老則曰登歌清

廟既歌而語以成之言父子君臣長幼之道合

德音之致禮之大者焉鄭氏謂旅衆也語談說

也德音樂聲也此養老之語也至於中肅言旅

酬下為上所逮賤鄭氏以謂若持牲饋食之

時賓弟子兄弟之子各舉觶於其長蓋若序黜

楊禪之類此射鄉祭祀之語也二者與詩所謂



尚有樂語之目惟宴設用之文公追述其遺以

正之故曰周為詩繫之語下九此一句即一篇

之大雖然余不敢句絕必屬篤古而達於詞者遂

以命愈愈謝非其人不獲命則謹條素氏本所

以出與其世系里居起周歷漢魏晉拓拔魏周

隋入國家已來高曾祖考所以劬躬燾後委祉

于公公之所逢將承應者有槩有詳而綴以詩

一作其詩曰之上文既依賓主答問意以申作詩

詩曰以寓為語之意今無鋪陳其義故按目之以

以潤色之猶古賦所謂亂曰之義也周封舜

後為

於

陳

左傳

襄公

二十

五年

鄭子

產曰

昔

王賴其

器用

與神明

之格

閑父

舜以

元女

大姬

配胡

公而封

諸陳

以備

三恪

閑父

舜之

後

當周

之興

關父為武王陶正元女武王之長女胡公陳公開父之子蒲也陳國今陳州宛丘縣是

子有為大夫食邑之地素鄉者其子孫世守不

失因自別為素氏春秋世陳常壓於楚與中國

相加尤疎素世一作素氏尤班班可見于譜常居陽

夏陽夏至晉屬陳郡故號陳郡素氏宰相世系曰素氏出

自鳩姓陳胡公蒲二十一世孫名諸字伯愛及

其孫宣仲壽金賜邑陽夏以王父字為氏素末

裔孫造避難居于河洛之間少子政以素為氏

九世孫素素生玄孫幹封貴鄉侯復居陳郡陽

夏八世孫良二子昌璋昌博士固申儒過黃唱

業於前前漢韓固齊人也以治詩孝景時為博詩顯貴皆固至司徒安懷德於身素遂大顯連

之弟子也

下二

一

一

世有人

後漢末安字邵公汝南汝陽人也肅宗章和元年代桓虞為司徒累世三公幽

明錄云漢末安父亡母使安以雞酒詣卜工問葬地道逢三書生問何之具以告書生曰吾知

好葬地安以雞酒禮之畢告安地處太當此世為貴公便與別數步顧視皆不見安疑是神人

因葬其地遂登司徒子終漢連魏晉分仕南北除昌盛四世五公焉

始居華陰為拓拔魏鴻臚鴻臚諱恭生周梁州

刺史新安孝侯諱頻一作孝侯生隋左衛大將

軍諱溫去官居華陰武德九年以大老薨九十七

始葬華州左衛生南州刺史諱士政南州生當

陽令當陽縣屬江陵諱倫於公為曾祖當陽生朝散大

夫石州司馬諱知玄司馬生贈工部尚書咸寧

令州屬丹諱曄是為皇考袁氏舊族而當陽以通

經為儒位止縣令石州用春秋持身治事為州

司馬以終咸寧備學而貫以一文武隨用謀行

功從出入有立不爵于朝比切志三世宜達而

室歸成後人數當于公公惟曾大父公皇考妣

一作三世存不大夫食歿祭在于孫唯將相去

讀能致備物左傳僖三十年周公闕曰國君文

其德薦五味羞嘉穀世彌遠禮則益不及在慎

德行絕句業治圖功載名以待上下無細大

無敢不敬畏無早夜無敢不思成于家進于外

以立于朝自侍御史歷工部員外郎祠部郎中

諫議大夫尚書右丞華州刺史金吾大將軍由

卑而鉅莫不官稱遂為宰相以贊辯章章著仍

持節將一作節蜀滑荆襄春明退朝錄唐文武參

華州刺史召為左金吾衛大將略苞河山秩登

祿周禮八柄爵以取其富以有廟祀具如其志又

垂顯刻一作烈以教無窮可謂大孝詩曰

素自陳分初尚蹇連易蹇卦九三曰往蹇來連

來皆難也連音力善切越秦造漢博士發論去聲司徒任

德忍不錮人收功厥後五公重尊安為河南尹

政号嚴明然

未嘗以威罪鞠人常稱曰九學仕者高則望宰  
相下則希牧守錮人於聖世尹所不忍為也聞  
者皆感激自厲贊其仁心足以覃乎後昆子  
孫之盛不亦宜乎安孫彭湯子逢隗逢子基並  
三公晉氏于南來處華下鴻臚孝侯用適操捨  
南州勤治取最不懈唐制治郡有二十最音祖外切當陽耽  
經惟義之畏石州烈烈學專春秋懿哉咸寧不  
名一休趨難避成與時泛浮是生孝子天子之  
宰出把將符群州一作郡承措數以立廟祿以備  
器由曾及考同堂異置柏板松楹其筵一作業肆  
肆晉語曰歌鍾二肆注去肆列也維素之廟孝  
孫之為順勢即宜以誨以龜以平其巖屋墻持

持孝孫來饗來拜廟庭陟堂進室親登遵銅

郊特牲曰凡祭詔祝于室坐尸于肩胛肱骨其

樽玄清肱骨也音儒又收到切肱骨也音匹

禮記大傳曰其禮太牢則以牛左肩臂肱折九

玄不忘古也又春官酒正三曰清酒登降受祚

于慶爾成致福於主人維曾維祖維考之施于

汝孝嗣以報以祗九我有今非本曷思本謂刻

詩繫牲維以告之

清河郡公房公墓碣銘

啓新史有傳周肱胎前光目濡耳

權摘良茲林壑洞蛭守條死要等語皆

奇語也

公諱啓字某河南人其大王父融王父瑄仍父  
子為宰相融相天后事遠不大傳瑄相玄宗肅  
宗處艱難中與道進退薨贈太尉流聲于茲皇  
雜錄云開元中房瑄心禮敬因與攜手閑步不覺  
自太山來房瑄心禮敬因與攜手閑步不覺  
行數十里至夏谷村遇一廢佛堂松竹森映和  
璞坐松下以杖叩地令侍者掘深數尺得一餅  
餅中皆是婁師德與永公書和璞笑謂曰省此  
乎房遂沉然方記其為僧時求公即房之前身  
也和璞謂房曰君愛之不得死於君之私第不  
後當以梓木為棺然不得死於君之私第不  
公館不處玄壇佛寺不處親故之家其後謫於  
閬州寄居州之紫極宮卧疾數日使君忽具膳  
飯房於郡齋房亦欣然命駕食竟而歸暴父乘  
梓州主命積槨於官中棺得梓木為之



仕至祕書少監贈太子詹事公胚胎前光

胚音蒲救

切說文曰婦孕一月為胚三月為胎

生長食息不離典訓之內

目濡耳染不學以能始為鳳翔府叅軍尚少人

吏迎

一作觀

望見咸曰真房太尉家子孫也不敢

弄以事轉同州澄城丞益自飾理同官憚伏衛

晏使嶺南黜陟求佐得公擢摘良蕪南土大喜

還遷昭應主簿

昭應縣屬京兆

裴胄領湖南表公為佐

拜監察御史部無遺事胄遷江西胄以節鎮江

陵公一隨遷佐胄累功進至刑部員外郎賜五

品服副胄使事為上介上聞其名徵拜憲部員

外在省籍籍

名聲籍甚猶紛紛也

遷萬年令果辯傲絕倣

也音堅竟切字亦作僥倣中

身元末王叔文用

事材公之為舉以為容州經略使拜御史中丞

服佩視三品管有嶺外十三州之地

通典曰容州經略領

容白馬牢備當寶

林蠻洞蜒守條死要不相漁

劫

婪音但南方有婪蠻字一作蠶要者簿書之

稅節賦時公私有餘削衣貶食不立資遺

以醉切

以班親舊為友為義在容九年遷領桂州封清

河郡公食邑三千戶中人使

疏吏

授命書應待

失禮客主違言徵貳太僕未至貶虔州長史而

坐使者以疾卒官年五十九

王本傳云啓素贊附

文用事除容管經略使陰許以荆南帥節至湖

南宿留不肯進會我文與韋執誼內忿爭不果

拜俄而皇太子監國啓遂就鎮九九年改桂

管觀察使州邸以賂請有司飛驛送詔既而爲

宗自遣官人持詔賜啓啓畏使邀重餉即日先

五日已得詔使者給請視因馳歸以聞貶太僕

少卿啓自陳獻使者南口十五

帝怒殺官人貶啓度州長史死其子越能輯父

事無失謹謹致孝既葬碣墓請銘銘曰

房氏二相厥家以聞條枝一作葉被澤況公其孫

公初爲吏亦以門底佐使于南乃始已致既辦

一作辯萬年命屏容服功緒卓殊氓僚循業維不

順隨失署亡資非君之怨銘以著之

銀青光祿大夫檢校左散騎常侍兼右金  
吾衛大將軍贈工部尚書太原郡公神道

碑文

補註皇太后憲宗母今天子憲宗太師  
謂子顏太尉謂難得司徒謂司欽

公諱用字師柔太原人臨沂人莊憲皇太后

之弟

順宗莊憲皇后王氏順宗在藩帝以才人  
賜之為王孺人是生憲宗憲宗內禪尊

為太上皇后元和元年今天子之舅太師之子

太尉之孫司徒之曾孫元和元年上朝太后南

宮大襲外氏自外高祖王父而下至外王父咸

冊登公師事載之史皇太后昆弟惟公一人於

是特一作時

拜銀青光祿大夫太子少詹事唐史

敬試太子賓客子難得事肅宗從郭子儀叔京

師終英武軍使子子顏少從父征討檢校衛尉

卿生莊憲及用元和元年憲宗朝太后於南宮

乃褒贈思敬為司徒難得大尉子顏太師

未三月因遷大詹事賜勳上柱國爵封郡公國

于太原益掌廐苑之事公起外戚子弟秩卑年

少歲餘超居上班官尊職大朝夕兩宮而能敬

讓以敏持以禮法不挾不矜賓接士大夫高下

中度興官者一作事滋久愈謹由是朝廷推賢

所處號治轉少府監太子賓客別職如故遷左

散騎常侍兼右金吾大將軍皆以選進不專為

恩十一年秋將以八月葬莊憲太后前一月壬辰以疾告薨春秋四十有七上罷朝二日為位以哭贈工部尚書十一月壬申葬于萬年縣落玄原夫人河南胡氏號太原郡夫人有子六人女子一人葬得日公之姉婿京兆尹李修謂太子右庶子韓愈曰子以文常銘賢公卿今不可以辭應曰諾而為銘曰

有靖氏國實出炎軒列女傳昔少典娶有虞氏蠡氏女生炎帝軒帝蜀塗

莘莘正妃之門史記黃帝之子昌意娶蜀山氏女曰昌僕生帝顓頊高陽有聖德

焉列女傳曰塗山之女夏禹之妃也曰女嬃禹娶四日而去生子曰啓塗山獨明教訓啓化其

德卒致令名有華之女成湯之妃也德壽而明訓正後宮嬪御有序太任者王季之妃也

德之行乃生文王惟敦豐其川不羨其源王氏

周胄王氏出自姬姓周靈王太子晉事見王仲舒神道碑官封相繼實生

聖女以母唐帝公惟右季天子吾其字甥卑躬

慎德不與寵橫方年未老后哀猶新如何不惠

言天不惠命也而殞其身刻銘茲石久載攸存

新刊經進詳補註昌黎先生文卷第二十七